



Կ Ր Ո Ն Ա Կ Ա Ն

ՆԵՐՐՈՂ ԱՍՏՎԱԾԸՆԿԵԼ ՍՈՒՐԲ ԽԵՉԻ



Րհնված էս, աստվածազարդ Քրիստոսով պսակված սուրբ փայտ, որ միայն անշունչների և շնչավորների, ապրողների և անկենդանների մեջ՝ անճառելի շնորհին արժանանալով փառավորվեցիր, որի համար մտավոր և բանավոր էակներից պահանջում էս կամավոր երկրպագութիւն:

Օրհնված էս, Քրիստոսով պսակված սուրբ փայտ, որ երկրի վրա բուսեցողով, գերադույն երկնքի վամարների ծալրում արձակվելով բարձրացար՝ անկրկին քո վրա կրած պտուղ բերելով, երկինքն իսկ մեկ անգամից և երկնքի ու երկրի միջոցները լցրիր, որ՝ Իսրայելի ազգի մեջ ծաղկեցիր և քո պտուղներով ամբողջ տիեզերքը լցվեց:

Օրհնված էս, սուրբ փայտ, որովհետև ինչպես առաջին փայտը՝ գեղեցիկ և քաղցրահամ պտուղով մահվան առիթ հանդիսացավ աղամածին կույսը խաբելով, կուսածին Ադամը դառն ճաշակը առած, մարդկանց մեջ կյանքն աղբերացրեց:

Օրհնված էս, սուրբ փայտ, ամպատեսիլ սյուն, որ անկրկին լույսը և հուրը քո վրա կրելով, քեզ հետեողներիս առաջնորդում ես դեպի երկնային քաղաքի մշտնջենավոր վրանքը և քեզ լուսավորյալ Աս պահում:

Օրհնված էս, սուրբ փայտ, իմանալի տապանակ, երկնային մանանայով լցված ոսկի սափոր և հրաշաբեր գավազան՝ ծաղկով պայծառացած, միանգամայն երկու տախտակներ՝ մարմինն ու հոգին իրար ադուցող, հինգ զգայարաններով, որոնք վրա բանն Աստված անճառելիորեն և կատարելապես պրոշնվեց, որ՝ մի և նույն ինքն տի-

րոջ սուրբ մարմինը՝ աստվածության հետ միավորված՝ քո վրա կրեցիր:

Օրհնված էս, սուրբ փայտ, իմանալի քարեղեն և քառակյում տախտակ, որի վրա ճշմարիտ աստվածաճանաչութունը տառնարանյա մատով դրոշմվեց Աստուծու կողմից, այլ մեկ և նույն անպարագիր Աստվածը խոսքով երևալով, փոխանակ Սինայից տրվելու՝ բովանդակ երկրի Սիոնից շնորհվեց:

Օրհնված էս, սուրբ փայտ, իմանալի գավազան՝ որ շոր լինելով հանդերձ, ոչ թե արքայական կաղին բուսցրիր, այլ բոլորի թագավորը, ծաղկեցիր որպես անթառամ և երկնային ծաղիկ, և ոչ այնչափ միայն, այլ նաև քո ծալրը բխած երևաց փրկական ջրի և արյան կենդանի աղբյուրը, որով ամբողջ տիեզերքը առհասարակ լցվեց:

Օրհնված էս, սուրբ փայտ, իմանալի աշտանակ, բոլոր ոսկիներից ավելի պատվական, որ իմանալի լույսը քո մեջ որպես հրագունդ՝ յոթնաճառագայթյան փայլումով աշխարհին որպես լույս բուրցավառեցիր:

Օրհնված էս, սուրբ փայտ, անյուրթ կամուրջ, որովհետև մարդկանց մահից դեպի կյանքը բերելով անցկացրիր:

Օրհնված էս, սուրբ փայտ, իմանալի մագաղաթ, որովհետև քո վրա անջնջելի կերպով գրվեց մեր ազատութան և տրեգիկության ուսուց, ոչ թե գրող թանաքով, ոչ էլ Աստուծո մատով ձևացած գրով, այլ է՛լ՝ ավելի անպատմելի՝ Պրա ժառանգակցի՝ Աստուծո Որդու՝ արյունով:

Օրհնված էս, սուրբ փայտ, իմանալի վեներար գավազան սուրբ հովվին, որովհետև քեզանով Եկեղեցու անարատ ոչխարները ըն-

տրվելով պատրուշվում են, զերծ՝ ապակա-
նողից, պաշտպանված՝ գազանից, և աստ-
վածային բարկության սրի մահից ազատ-
ված:

Օրհնված ես, սուրբ փայտ, անբարբառ
բարեխոս, հրեշտակների ցուցիչ, նրանց ան-
տեսանելի Տիրոջ փառքի սրբություն, Եկե-
ղեցու փառք, առաքյալների պարծանք,
մարգարեների ապացույց, մարտիրոսների
պսակ, քահանաների շնորհաբաշխություն,
վարդապետների հավատի կանոն:

Թագավորների հաղթություն, իշխանների
քաջության հույս, քրիստոսասեր զորքերի
առաջապահ, ախոյանների քաջալերություն,
նահատակների զորավիգ, վտանգվածների
օգնական, պարտվածների ապավեն, տա-
ռապալների կարողություն, հալածվածների
ապաստան, փախստականների պատսպա-
րան, խոռվյալների խաղաղարար, վշտա-
ցածների մխիթարություն, սուրբապաշտների
գոհություն:

Հարուստների զգուշացուցիչ, աղքատների
անկողնապսակի գանձ, ահագամների զգաս-
տություն, ստահակների խրատ, դատարկա-
պորտների նահանջ, կույսների դարդ, ա-
մուսնացածների կնիք, մանուկների պա-
հապան, երիտասարդների դաստիարակ,
ծերերի հանգստարան, ճանապարհորդների
առաջնորդ, հոգնածների հանգիստ, նավող-
ների նավահանգիստ, մոլորվածների դարձ,
տառապալների ապահովություն, հարկ, աշ-
րիների ակնածություն, որբերի խնամող:

Կրոնավորների պարիսպ, ճգնավորների
ժուժկալություն, ապաշխարողների աղոթք,
հիվանդների բժշկություն, դեմերի սարսափ,
հավատացյալների ձեռքում պատրաստ
զենք, մեղավորների քավարան, անմեղների
պահապան, ողջերի փրկության միջոց, մե-
ռելների հիշատակի հույս:

(Դավիթ Անհաղթից, Բաղվածաբար)

